

դարձցի, և ոչ կարաց: Այլ ազգականք նորին յայս կոյս և յայն կոյս Մուրատին աղերս յղել տային, հազիւ թէ զսիրտ նորին հաշտեցուցին զի փրկեցէ զնա. և տվեալ նմա զրամա՝ փրկեցին յայնմ պատուհասէն շնորհիւ և ողորմութեամբն Տեառն մերոյ Յիսուսի Քրիստոսի:

Շաբաթ օր (7 Ապրէլ) Աւետիք Սուրբ Աստուածածնին: Եւ կրկին չէ՛ր էմինին մարդ առաքեաց ի վերայ Մղտեսուն զի ի տիւանն երթիցուք. եւ ելեալ գնացաք ընդ նմա և մեք, և առաք ի վէզիրէն հրաման զի մեծ զատին տեսցէ զայդ գործդ: Եւ գնացաք առ զատին, և նա տեսեալ զնա՝ արհամարհեաց զնա անգոսնելով եթէ Մեք զայդ ո՞չ տեսաք անցեալ աւուրքն, զի հայրդ ոչ է տալոյ քեզ ըստակ. ևս էր օրն ընդ մեզ նստեալ զատին յմսկիւտարոյ. ամօթ է քեզ զայդ գործել: Զայս ասացեալ ի բաց եհան յերեսէն: Եւ և գնաց նա. և մեր իջեալ ի վար՝ պաշ¹⁾ նայիպէն հուճէթ առաք թէ Այս գործն տեսաւ առաջի մեր հանդերձ վկայից Տաճկաց, զոր նոքա ասէին թէ չէ՛ր էմինին հրամայեաց և մեք առաք զդրամ ցորենոյն ի հայէս յայսմանէ: Եւ ելեալ եկաք²⁾ ի տեղիս մեր փառաւորելով զՔրիստոսի զանչափ զօրութիւն:

Այգուցս Կիրակի Ը-ի. Ծաղկազարդ Տեառն մերոյ Քրիստոսի: Աւուրքս Ղազար վարդապետն եկ Աւրեւելցի:

Աւագ Եշի (12 Ապրէլ):

Ուրբաթի օրս աւագ (13 Ապրէլ) և տօն խաչելութեանն Քրիստոսի Աստուծոյ մերոյ: Զ-երորդ ժամն ի Ղալաթա գնացի ի Սուրբ Լուսաւորիչ և անդ արարի զժամն, և յետ ժամուն գնացի մօտ առ Վարդապետն մեր զի անդ էր, և կացեալ անդ սակաւ ինչ, և ելեալ եկի ի սահմանս իմ:

1) պափ.

2) ելաք.